



Газет 2001-йисан
ноябрдилай акъатзава

*РД-дин Докъузпара райондин общественно-политический газет.
Общественно-политическая газета Докузпаринского района РД.*


Эренлардин сес

№35 (912) 28-август, арбе, 2019-йис. Газетдин са экз. къимет киоскрай - 10 манат

Гъуьрметлу ветеринариядин къуллугъдин ветеранар ва гъа рекъе кIвалахзавайбур!

31-августдин – Куь пешекар-
вилин суварин йикъахъ галаз
алакъалу риклин сидкъидай тир,
чими тебрикар къабула!

Куь пеше, куьне хкъагнавай
уьмуьрдин рехъ гзаф важиблуди ва
къиметлуди я. Хуьруьн майишатдин
ва гъайванрин сагъламвили
гъаларилай чи дагъви хуьрерин
агъалийрин сагъламвални,
къулайвални аслу жезва. Куьне куь
зегъметдин жавабдарвилелди
гъайванрин сагъламвал
таъминарзава, инсанрин
сагъламвили къуллугъда
акъваззава, гъасилзавай
продукциядин ери гуьзчивилик
хуьзва. И пешекарвилин суварин
йикъахъ галаз алакъалу яз заз квехъ
виридахъ мягъкем сагъламвал,



къулай клубан гуьгъуьлар, кIвалахдин рекъе шак алачир агалкъунар хъана
кланзава.

Вахтуналди «Докъузпара район»

МР-дин Кылин везифайр тамамарзавай Агъмед АГЪМЕДОВ

Артем Здунов: «Чна республикадин агъалияр кIвалахдалди таъминарун герек я»

Дагъустандин премьер-
министр Артём Здунова
министррин кабинетдихъ галаз чи
республикада цийи кIвалахдин
чкаяр арадал гъунин рекъай месэла
гъялна. Минэкономразвитидин
делилралди, алаатай йисуз 23,4 агъзур
кIвалахдал таъминардай чкаяр
арадал гъана. Абурукай 13 агъзур
чка -датIана кIвалахиз жедайди я.

Тарихдиз хъфизвай, алай йисуз, адан
зур паюна 25 агъзур кIвалахдин чка
арадал гъанвайдакай хабар ганвай.
Регионда абурун къадар 9 агъзурни
7 вишдаг агакъна.

Дагъустандин
Правителствонин ва районрин
муниципалитетрин арада
кутIуннавай икъаррин сергытра 19
агъзур кIвалахдин чка арадал гъун

къалурнава. Госпрограммайрин
рекъай 9500 кIвалахдал таъминардай
чка къалурнава. Хуьруьн майишат
вилик тухунин ва ана гъасилзавай
хаммал базарра хиритI авунин
рекъай (2014-20-йисара) пландик
2287 кIвалахдин чка арадал гъун ква.





Алай вахтунда 640 чка таъмин хъанва. Идалай гъейри, хуъруън майишатдин продукция гъасилзавайбурухъ галаз субсидияр гунин, кваллахдин чкайрал таъминарунин рекъай икърарар кутлуннавай. РД-дин хуъруън майишатдин ва суърсетдин министр Абзагъир Гъусейнова алава хуъвурвал, Агромир, Югагрохолдинг, фермерар даимлук

кваллахдин чкайралди таъмин я.

-Чна пулдин такъатар желб авурла, чна абур тлалабни хуъвун важиблу я. Районрин экономика вилик тухуниз миллион манат ачухзава, гъавилъй гъар са районда гъич тахъайтла, кваллахдал таъминардай са чка хуън герек я. Инфраструктурайри ваъ, карханайри кваллах авун чарасуз я. Республикада бейкаррин къадар

гзаф я. Алукъзавай йисуз чна абур учетдиз къачуда. Санайидин, чим гунин ва энергетикадин комплексрин кваллах вилик тухуниз еке дикъет гузва. Месела, концерн КЭМЗ, «Дагдизель» завод, ООО «Матис», М.Гъажиеван тлварунихъ галай завод, Каспийскдин шуъшедин члунар акъудзавай завод ва масабур арадал хкайла, кваллахдал даимлукъ яз таъминардай мумкинвал жеда. РД-дин Минстройдин къейдералди, 1995 кваллахдин чка арадал гъиз жеда. 1187 чка инсанралди таъминарнава, - лагъана А. Здунова.

Премьер-министрди чи регионда муъкъвер эцигунин чарасузвиликайни лагъана. Исятда бюджетдик дегишвилер куктазва. Артем Здунова кваллахдин чкайрикай дарвал авайбуруз экономикадин министерстводиз чкайрин муниципалитетри кваллахдин чкаяр арадал гъун патал ахтармишнавай делилралди мягкем тир документар туьклуърна, рекъе тун важиблу тирдакайни риклел гъана.

ЧИ МУХБИР

РАЙАДМИНИСТРАЦИЯДА

Вилик акъвазнавай месэлайриз фикир гана

26-августдиз райадминистратиядин дараматда вахтуналди «Докъузпара район» МР-дин Къилин везифаяр тамамарзавай Агъмед Агъмедован регъбервилик кваз нубатдин совещание хъана. Адан карда райадминистрациядин Къилин заместителри, идарайрин руководителри, хуърерин килери иштиракна.

Совещанидин йикъан месэлайрихъ галаз таниш авурдалай гуьгъуьниз, А.Агъмедова хуърерин килерин адресдиз сайтар кардик квачирвилъй туьнбуьгъар авуна. Анжах Мискискар хуъруън килин сайт дуьз кваллахзавайди яз, чешнедиз гъана. Амай хуърерин килериз и рекъай жавабдар хуъниз эвер гана.

Райадминистрациядин экономикадин отделдин начальник Султанмурад Магъмудов налукрай ва маса кватлунрай пуд лагъай кварталдин план ацлурнавай



гъалдикай рахана.

Райадминистрациядин Къилин заместитель Сурея Исмаиловади 2020-йисуз киле тухудай агъалийрин переписдиз талукъ месэлаяр хуърерин килерив агакъарна, абур райондин агъалийрин дуьз къадарар туьклуърнал желбна кланзавайдакай

лагъана.

ЦРБ-дин килин духтур Бухсаев Шагълара райондин вири тешкилатриз электрондин къайдада начагъ хъайивилин гъакъиндай чарар ацлурна кланзавайдакай лагъана.

ЧИ МУХБИР

Школайрин месэлаяр

(Интервью)



И мукъвара зун Докъузпара райондин образованидин управленидин начальник Гъвейибег Эмирбекович Шагъвеледовахъ галаз гуьруьшмиш хъана. Чи арада райондин мектебар цийи келунин йисаз гъазур хъунин гъаларикай, образованидиз талукъ месэлайрикай суьгъбет кыле фена.

-Гъвейибег Эмирбекович, алуькзавай цийи келунин йисаз райондин мектебар гыкГъазур я?

-Цийи келунин йисаз райондин вири школайра ширер яна, герек ремонтдин квалалахар авунва ва абур аяларни къабулиз гъазур хъанва.

-Цинин йисуз чи районда «150 школ» проектдик акатнавай школайр авани?

-Шаз Къалажухдин ва Каракуьредин СОШ-яр «100 школ» проектдик акатна ва гъар са школада 2 миллион манатдин ремонтдин квалалахар авунвай. Цинин йисуз чаз «150 школ» проектдик чи райондин мектебар генани кутаз кланзавай, анжах цинин йисуз чавай абур кутаз хъанач. Къведай йисуз, эгер и «150 школ» проект давам хъайитла, чна лап пис гъалда авай райондин мектебра ремонтдин квалалахар ийида.

-Райондин школайра муаллимар бес жезвани?

-Муаллимар бес тежесвай хуьрерин школайрни ава. Каракуьредин ва Къурушрин СОШ-ра къецепатан чалан, урус чалан,

эдебиатдин, химиядин, биологиядин, математикадин ва физикадин муаллимар бес жезвач. Идан гъакъиндай чна малуматарни ганвай.

Ва, аз генани са малумат гуз кланзава, эгер винидихъ тварар къунвай хуьрериз муаллимар атана, вад йисан вахтунда, хуьруьн шартларихъ галаз квалалахайтла, Россиядин ва РД-дин Правительстводи саналди акъуднавай «Земский учитель» къарардихъ галаз рейсад яз, абуроз са миллион манат пулни гузва.

-Школайрин аялар тухузвай машинрин водителар медосмотр авунин месэладай куьне гъихътин серенжемар тухузва?

-Вири школайрин водителар гъар юкъуз медосмотр авун - им чарасуз герек кар я. И месэладай лагъайтла, чна райондин вири хуьрерин школайрин директорриз, райондин ЦРБ-дихъ галаз договорар кутлунун патахъай лагъана, абур хабардарнава. И мукъвал вахтунда вири школайрин директорри райондин ЦРБ-дихъ галаз договорар кутлуна кутягда ва водителар, гъа договорда къалурнавайвал, медосмотрини ийида.

-Районрин мектебра ктабар бес жедайвал яни?

-Ктабар бес жедай кьадарда чна райондин вири школайриз пайнава.

-Алатай йисарихъ галаз

гекъигаила, чи район ЕГЭ-рин нетижайрай гъи жергеда ава? Ва пис нетижаяр къалурай школайр чи райондай гъибур я?

-Шазандалай цинин ЕГЭ-рин нетижаяр, мукъуь районрихъ галаз гекъигаила, генани хъсан чкадал алач. Вучиз лагъайтла, ЕГЭ-рал хъсан нетижаяр къалурнавайбур чи райондин пуд школа тир: Усугъчайдин, Миграгърин ва Авадандин СОШ-яр. Лап пис нетижаяр хъайибурун жергеда Къалажухдин, Мискискарин, Къурушрин СОШ-яр ава.

ОГЭ-рай лагъайтла, чи районда хъсан нетижаяр къалурайбурун жергеда сад лагъай чкадал Усугъчайдин СОШ, къвед лагъай чкадал - Цийи-Каракуьредин СОШ ва пуд лагъай чкадал Мискискарин СОШ-яр ала. ОГЭ-рай пис нетижаяр къалурай мектебар Къурушрин, Миграгърин ва Каракуьредин СОШ-яр тир.

-Цинин йисуз ЕГЭ-ар вахъуз тахъай выпускникриз мал сеферда абур вахъудай мумкинвал авани?

-Эгер урус чалан ва математикадин, ибурукай тек са предметдай ЕГЭ вахъуз тахъанвай выпускникдивай генани алай йисан 3-сентябрдиз Дербент шегъердиз фена, вахъуз жедай мумкинвал ава. Абур вахъузвай выпускникрин сиягъарни чна аниз агакъарнава ва чпизни хабар ганва.

-Алатай йисарихъ галаз гекъигаила, келзавай аялрин кьадарар дегиш хъанвани?

-Амай йисарихъ галаз гекъигаила, райондин школайра келзавай аялрин кьадар къвердавай тимил жезва.

-Эхирдай квез лугъудай гъихътин таллабунар ава?

-Эхирдай аз школайрин директорривай ва аялрин диде-бубайривай алуькдай келунин йисуз аялрал гуьзчивал тухун ва абур вахъузвай ЕГЭ-рал ва ОГЭ-рал хъсан нетижаяр къалурун патал, абурал амайдалайни зегъмет члугун таллазава.

Вадим АГЪАМУРАДОВ

Бажарагълу композитор

Дагъустандин халкъдин артист Аюбов Омар Абусалатан хва 1925-йисан 24-февралдиз Азербайжан Республикадин Кцлар райондин Агъа Лакарин хуьре дидедиз хъана. Хайи хуьруьн мектебда 7-класс куьтягъайдалай къулухъ ам механизаторвилдин курсариз фена ва и курсар килиз акъудна, ада МТС-да тракториствиле кваллахиз эгечна. А члавуз Омара гъа са вахтунда, кваллахдивай къерех тахъана, Кцлар райондин Медениятдин кваллин художественно-самодетельный ансамблдани иштиракзавай.

Медениятдин кваллин коллективди вахт-вахтунда Азербайжандин ва Дагъустандин лезги хуьрера концертар гузвай. Са сеферда гъа икI, абуру Мегъарамдхуьре концерт гудайла, и райондин Медениятдин кваллин директорди, ада ина амуькна, кваллахун теклифна. Жегъил музыкант рази хъана. Ада са шумуд йисуз Мегъарамдхуьре кваллахна. Аняжах жегъилдиз пешекарвилдин

музыкадин образование авачир. И рекъай чирвилер къачун паталди О. Аюбов Махачкъаладин музыкадин училищедиз гъахъзава.

1951-1955-йисариз Омара ина тардин классда Г.Гъасанов, И.Воршавский, Х. Ханукаев, И. Савченко хътин устадрин гъилик музыкадай пешекарвилдин сирер чирзава.

Музучилищеда келдай йисара О. Аюбова машгъур лезги шаиррин чалариз музыкаяр кхъиз гатумна. А вахтара абур сегънейра лугъузвайди тIвар-ван авай лезги манидар Рагъимат Гъажиева тир.

Музучилищеда акъалтларайдалай къулухъ Омар Аюбов республикадин меркезда амуькна, гъам педагогвилдин, гъакIни музыкантвилдин кваллахрал машгъул жезва.

1954-йисалай 2004-йисалди ада Гостелерадиокомпания «Дагъустандин» тариствиле (тарядай устад яз) кваллахна. И йисариз Омар Аюбова Етим Эминан,

Хуьруьг Тагъиран, Шагъ-Эмир Мурадован, Алирза Саидован, Ибрагъим Гъуьсейнован ва маса шаиррин чIалариз музыкаяр туькIуьрна кхъена. Адан манияр гилани Дагъустандинни Азербайжандин лезги агъалийрин арада гзаф сейли я.

1960-йисуз ам «Дагъустандин лайихлу артист», 1970-йисуз «Дагъустандин халкъдин артист», дережайриз лайихлу хъана.

Машгъур композитор ва педагог Омар Аюбов 2005-йисуз рагъметдиз фена, ам Махачкъаладин сураара фаракъат я. Ада лезги музыкадик кутунвай пай искусствода рикI алайбурун риклера мидаим яз амуькна. Композитордин ватанпересвилдин ва лирикадин манийрин чешнеяр акъалтзавай несилдизни тербиядин ва руьгдин ивирар, дувулар галай ирс я.

Азиз МИРЗЕБЕГОВ

филологиядин илимрин кандидат.

АНТИТЕРРОР

Имтигъанар ва тарсар

(Бандитрин дестеяр чукурайдалай инихъ – 20 йис)

Дагъустандин чилел бандитрин клеретлар чапхунчивилелди атуникай ва абур инай чукуруникай рикел хкунар тIимилтуш.

Кар алайди, чи фикирдалди, а вакъияйриз чи къенин несилри гъихътин къиметар гузватIа, абурукай гъихътин нетижаяр хкудзавагIа, ахътин шартIара мад гъатайтIа, дагъустанвийри чеб гъикI кьиле тухудатIа, гъа кар аннамишун я.

Къведай йисуз чи халкъари ЧIехи Гъалибвилдин 75 йисан баркаллу юбилей къейдда. Амма а вакъиадиз маса вилерай, лугъудайвал, чпин кирсеба айнайрай

килигзавай тапан «патриотарни» гзаф хъанва. ЧIехи Гъалибвал дуьшуьшдай хъайи кар тир лугъуз, акъалтзавай несилрин кьилера гъакъван чIулав фикиррал чан гъиз алахънавайбуьр чи республикадин чилелай бандитрин клеретлар чукурайдалай инихъ 20 йис алатуникай гъакъван паквилелди рахазвани? Винел акъуд тийиз, чи халкъдин садвилеиз, чи пак мурадриз къацI ягъиз кланибуьр секин хъанвани?

Сиясатдин жигъетдай чпихъ мягкъем диб авачир, «чурун» тавур жегъилар ахътин вязерин чIалахъни жезва.

Ихътин шартIара чи гъар са

агалкъунин, Ватан ва адан азадвал, халкъарин садвал, дуствал мягкъемарзавай вири крарин тарифна кланзава.

Душмандикай садрани дуст тежедайди жегъилрин риклив, руьгъдив агакъарун чи везифа я.

Эхъ, басаевчиьр – «михъи дин» гваз атай «стхаяр» чпин чIулав ниятрив агакъарнач. Чи къегъал рухвайрини рушари! Абурун сифте жергейра ЦIумада района вичин чандилайни гъил къачур милициядин капитан, куквазви хва Закир Султанов ава.





Ровно 20 лет назад бандформирования вторглись в Дагестан с целью его отторжения от России и установления там террористического «халифата».

«Дагестанский поход» закончился для террористов разгромом

Ботлих райондин Ансалта хуьре бандитрин гыляй автомат акъудна, чпиз чпин гуьллеяр къалумарай жегил Гъажимурадни гъахтин хва я!

Бес Дагъустан члехи хаталувилик акагайла, Махачкъалада халкъдин ополчение арадал гъайила, адан кыле, Интербригададин командир яз акъвазай къурушви хва, а члаван милициядин полковник, гила генерал-майор Шамил Загърабович Асланов вичин тлварцел дамахдай хва тушни!

Ахътин рухвар члахъ вишералди хъана, гилани ава! Дагъустанни, члехи Россиядин битаввални, чи Конституциядин къурулуш - ни гъавилей хуьз хъана! Ибур садни регъятвилелди, чеб-чпелай тежедай крар тирди чи къенин ва къвезмай несилри аннамиш тавуртла, чи душманри чун мадни четин имтигъанра тун мумкин я.

А вакъайрилай гуьгъуьниз икъван йисар алатайлани, чи женнетдиз ухшар авай чилерилэй, ватанни, хизанни, мукъва-къилини квадарна, Сириядиз ва я масанриз, ИГИЛ (Россияда вичел къадагъа эцигнавай) лугъудай члулав шейтланрин тешкилатдиз чеб маса гуз фидайбур жедайни? Гъайиф хъи, гагъ сана, гагъ масана (дагълара ва меркезрани) боевикриз

къуллугъзавай чинебан мукар авайди къалурайла, риклиз тлаакъат тавуна амукъзавач.

“Чечнядин кампания” лугъудайди башламишайла, чи республика гъакъкъатдани экономикадинни транспортдин алакъадин гъал-къада гъатайди, боевикрин клеретлри чи ракъун ва шегъре рекъерал, базаррални вокзалрик, аэропортара, масанра чеб кыле тухвай тегъерар, авур къван хирер (Будёновскда, Бесланда, Къизлярда, Буйнакскда, Каспийскда, Дербентда, Белижда...) риклелай фидани?

Чи республика ачлавуз Чечен Республикадилай къеция махсус ракъун рехъ тухуниз мажбур хъанай. Карланорт - Къизляр...

Махачкъала а йикъара фронтдин цларцелалай шегъердиз элкъвенвай. 10-августдиз чи кылин майдандал, женгиниз физ гъазур яз, вишералди къегъалар жергейра акъвазайла, им залан декъикъаяр агакънавайди, гъар садакай Ватан хуьдай аскер хъун лазим тирди, гъар сада гъиссай вахт хъанай... Ополчениди вири Дагъустан клавчел къарагъарнай...

Гуьгъуьллу патриотрин дестейри чи шегъеррин секинвал гъам юкъуз, гъам йифиз хуьзвай. Идарайра махсус къуватар кардик кутунвай. Карханайра, коллективра

митингар, сходар, собранияр, маса мярекатар тешкилнай...

Цавалай женгинин вертолетрин ван кими жезвачир. Яргъарай чаз Кадардинни Къарамахидин зонада язавай залан тупарин ван жезвай... Гъа са вахтунда меркездин хейлин азарханайрив хирер хъайибур агакъарзавай. Им дяве тушир садани лугъудачир.

1999-йисан 16-сентябрдиз вилерин азарханада (Гоголан тлварунихъ галай куьче) акур са шикил зи риклелай физвач. Бомба хъиткъинайла, вилериз тади ганвай са факъир йифен вахтунда аниз хканвай.

*Буьркъуьди тухузва гуьрарай
винелд,*

*Чизватлан адаз вил эхцигиз
тежерд.*

*Аватай къван хкаж
хъийизвай синел,*

*Вацл къуна кутлуниз
кланзавай гъилел...*

*Мад са клар алудна
зегъметрив члехи,*

*Мад са кам къачузва заландиз
вилик,*

*Гъазур я виш зулум ийиз мад
эхи,*

*Хъхъайтла къве вилив
дуьньядиз килиг...*

**(«Билбил базардал», ДКИ,
2007-йис. 140-чин)**

Гила фагъум ая, шумудни са кас, гъам хътин жегъилар, гъакл агъиларни, са тахсирни квачир инсанар, а вакъайрин вахтунда чандивай хъанатла, гъикъванбур гъакъкъи набутриз элкъуьрнатла...

Республикадин МВД-дин вилик, аллеяда хкажнавай пантеондин цларин члехи пай гъа вакъайрин вахтунда телеф хъайи милициядин къуллугъчийрин тлварари къунва...

Къизлярдин ял ядай багъда авай пантеонрикайни сад гъа вакъайрин ва и шегъердал радуевчийри гъужумайла хъайи къурбандрин тлварари къунва.



Буйнаксда к1валер
ххиткынарайла, са тахсирни квачир
аскеррин хизанар санлай телеф
хъанай, абурук лезгийрин хизанарни
квей...

Ваъ, дяве гъамиша залан
къакъатунар, ивиар, магърумвилер,
чк1айвилер арадал гъызвай завал я.
Адаз рехъ гун - эбеди яз негъна
к1анзавай гунагъ я...

Гъайиф ч1угвадайди а кар я
хъи, чал къецай атай душманриз
ачухдаказ майилвал авур, абуруз
куьмекар гуз, къуллугъиз къарагъай
къара къуланарни чи къенепата
т1имил авачир. Гъатта чпи чпел
“бригадайрин генералрин” т1варар
эцигна, жележгдин государствода
чпин къуллугъарни тайинарнай.
Амма абурун хаин ниятриз халисан
рухвайри ц1ай ягъайла, бязибур
гъасятда чпин чинерни, парталарни
дегишарнай, бязибур душманрихъ
галаз яргъал “ватанризни” катнай...

За гъа ч1авуз кхъенай:

Аси абдалар, ажал к1анз
чпин,

Аллагъдин латав жседа къван
к1вачин.

Эй ч1ехи худа, це чазна ажал,
Ичилерал мад хгумир мажас.
Чаз фукъенята, чи яд къурура,
Жегъеннемдин ц1а тур, чанар
ц1урура...

Аллагъдиз язух къвезва
виранрин.

Ахлад, хъфена, эхкеч1
инсанрик.

Вирибур хъиз, куьнни хъухъ
яшамии.

Уьмуьр емиш туш, жседай
игремиш...

Ваъ, - лугъузва абдалди, -
Яшамии хъун я чун латал
къавур.

Къула ц1ай хъийиз, ник1е тум
кутаз,

Векъе векъ ягъиз хк1анзамач
чаз.

Къеп1ина аял, епина дана
Хтун - гъабурни крар я
ч1агънакъ...

Куьн инсанар тушни бес, аси
лук1ар?

Инсанвилин чаз герек туш

шарт1ар!

Чун - жанавурар, иланар,
пехъер,

Ажал акурла я чаз шад
мехъер.

Чаз - ивийрин чак, чаз -
мейитрин як,

Пагъ, гъикъван к1анда!..

Гъимир ерли шак.

Чун яшамии хъун я бедвал
авун,

Эхир авун я чилинни цавун...
Абдалар! Ахътин сагъиб зун

я, зун!

За халкъ ийизва, хъийизва
вахчун...

Амма куьн за гъик1 гъана
арадиз?

Белки, балаяр чириз
дуьньядиз?..

За куьн вахчудач, гудач квез
ажал,

Куьне куьн т1уьна жседади
дажал...

Туьремаяр ак1 къейит1а за
фад,

Уьмуьрди хгуч хъсанбуруз
дад.

Куьн дарвилера, т1арвилера
кур

Твада мад ва мад, чун-
к1ватдалди куь зур...

Абдалар фена инсанар рекъиз,
Чеб вирибуруз негъ тирдини

чиз.

Аллагъдин т1вар къаз,
экъична иви,

Жазаяр, фендер къурмишна
к1еви...

Инсанриз гана жигерни
жуьрэт-

«Виринриз – ажал! Куьтягъ
я суьрсет!...»

Я сур, я лакъан хъуьунач
къисмет,

Ат1ана ихътин акъалт1ай
къимет...

Инсанриз акси, Аллагъдиз
акси

Виранар къени т1имил туш
аси.

Къекъвезва чилел, т1алабиз
ажал,

Ам лагъайт1а, гъак1
хъуьрезва япал...

(“ЛГ”-дин 1999-йисан 7-
октябрдин нумрадай)

Зи фикирдалди, чилел атай
гъар са фанади (мугъманди) вичи
вуч тазват1а фикирун лазим я.
Инсанвал квадаруниз разивал са-
дани гудачир...

Россия ва Дагъустан, гила
шумуд лагъай асирра, санал ала, са
къаст, са къисмет, са рехъ
хкъагъуналди, виликди физва.
Шанрди кхъизва:

Дявейралди къаз чи рекъер,
Атайди я шумудар.
Амма хъанач хаз чи рик1ер,
Ат1уз михъи умудар.

ПРИПЕВ:

Россия ва гуьзел Дагъустан –
Сад тир азад я чи Ватан.
Ният фашал, галай ажал,
Къуниш къан гъаз атайла,
Дагъви хъаяр хъанай к1вачел,
Вагъшиийрин къил гатайла.

ПРИПЕВ:

Россия ва гуьзел Дагъустан –
Сад тир абад я чи Ватан!
Фикирнай жед къакъатда

Душман гъахънай къапудиз.
Террористриз чидач чи дун –
Жедайди туш чун къакъудиз.

ПРИПЕВ:

Къеле хъиз я чук1ур тежер,
Желе хъиз я сергъатар.
Аквардавай чи ачух хъвер,
Душманриз я дуьнья дар!..

Им я а вакъияйрин къилин
нетижа. Чун виликандалай мад са
шумуд къат къуватлу, адалатлу ва
тупламиш хъанва!.. И ч1алариз
композитор Къ.Ибрагъимова
музыка кхъенва, мектебра ам
тамамарзава...

Мердалл ЖАЛИЛОВ
«Лезги Газетдай»

Извещение о проведении торгов №270819/1249443/02

Контактная информация организатора торгов

Наименование организации	АДМИНИСТРАЦИЯ МУНИЦИПАЛЬНОГО ОБРАЗОВАНИЯ “ДОКУЗПАРИНСКИЙ РАЙОН”
Адрес:	368732, Респ Дагестан, Докузпаринский р-н, с Усухчай
Телефон:	(8722) 551137
Факс:	(8722)551137
E-mail:	dokuzpara@mail.ru
Контактное лицо:	Магомедханов Валудин Хелефович

Условия проведения торгов

Дата окончания подачи заявок:	20.09.2019
Срок, место и порядок предоставления документации о торгах:	с 28.08.2019 по 20.09.2019 с. Усухчай, администрация МР “Докузпаринский район”, согласно аукционной документации
Место и порядок подачи заявок на участие в аукционе:	с. Усухчай. администрация МР "Докузпаринский район", согласно аукционной документации
Срок отказа от проведения торгов:	16.09.2019
Дата и время проведения аукциона:	20.09.2019 11:00
Место проведения аукциона:	с. Усухчай

Общая информация по лоту:

Тип имущества:	Иное движимое имущество
Вид собственности:	Муниципальная
Решение собственника о проведении торгов:	распоряжение муниципального образования МР “Докузпаринский район” от 26.06.2019 года № 123
Наименование и характеристика имущества:	Легковой автомобиль Lada 212140, гос. № Н 993 ЕТ - 05/рус, идентификацио- нный номер (VIN) ХТА21214Е21692296, шасси № отсутствует, мощность двигателя 82,9 л.с .61кВт Рабочий объем двигателя 1690. Тип двигателя бензиновый. т.км год выпуска - 2013. Цвет: ярко-белый
Страна размещения:	РОССИЯ
Место нахождения имущества:	Республика Дагестан, Докузпаринский р-н, с. Усухчай, ул. Х.Д.Заманова
Начальная цена продажи имущества	69 000 руб.

Ахцегъ ГЪАЖИ

Нефсиниз

Гъар са азардин винел вун
ТуькIуьрнавай султан я, нефс.
Риятриз зулум идай
Адалатсуз дуван я, нефс.

Вуна хийир къалурай кар
Эхир къилиз зиян я, нефс.
Чун зияндиз тухузавай,
Белки, вун гъа шейтан я, нефс.

Дагъустан

Уях я гъар са вилайт
Вакай мус хъуй затI, Дагъустан.
Вун гъафил я лугъуз даим,
ЧкIана ви ад, Дагъустан.

Чна дуьнья тийиз фагъум,
Вагъшияр хъиз я хъи чун хам,
Халкъар къене чун я авам,
Бес чун гъикI хъуй шад, Дагъустан.

Кесибдиз

Кесиб кас хайитIа вели,
Хъанваз гъисабда ам дели.
Пуллуд къада камалэгъли,
Кесибвал хупI зегъмет я саз.

Пуллуяр я пулдин мирес,
Пулсузвал я гъамиша яс.
Кесибдиз жагъич мукъва кас,
Кесибвал хупI хифет я чаз.

Дуьнья

Дуствилевди эгечIда вун,
Вал ихтибар ийич, дуьнья.
ГалчIур уна къекъечIда вун,
Вал ихтибар ийич, дуьнья.

За авуна агъзур хиял,
Вун паталди кIватI хъийич мал,
Халкъ авурда хуьда аял,
Вал ихтибар ийич, дуьнья.

Ярдиз

ТIарам, лугъун за ваз са чIал,
Гъамиша вун акваз кIан я.
Килигзава буьтуьн ваз эл,
Гъамиша вун акваз кIан я.

Хъана хъи зи рикI вал ашукъ,
Ви буй-бухах, акурла юкъ,
Вун за лагъай чIалал алуькъ,
Гъамиша вун акваз кIан я.

Гуьзел

Гафар ава ваз лугъудай,
Ша къаншардал акъваз, гуьзел.
Тарифар я ваз ийидай,
Яб це анжах на заз, гуьзел.

Ви къаматдиз ава абур
Лугъуз, жемир вун такабур.
Зи рикIивай жедач сабур,
Яргъалай вун акваз, гуьзел.

Халкъдин яшайишдин гъалар кIевера ва дарда твазвай, абурун игътияжриз дуьзгуьнвилелди килиг тийизвай, закондин истемешунриз яб тагана чпин кIвалахар ва къуллугъ идара ийизвай гъакимар гъукуматдин аппаратда гъеле къери туш. Эгер са гъихътин ятлани идарада куьн кимивилерал расалмиш жез, абур пулар тIалабиз хъайитIа, чаз газетдин работникриз хабар це. Чун куь тереф хуьн патал гъар са дуьшуьшда къаришмиш жеда ва чIуру кIвалахриз рехъ тагунин карда гъахъвилин даяхар яз акъвазда. И мураддалди чна, вири уьлкведа хъиз, “горячая линия” кардик кутазва. ТIалабзава чаз чарар кхьин (къуларни чIугуна).

Гъуьрметлу газет кIелзавайбур!

«ЭС» газетдин редакцияди квесвай тIалабзава, райондин идарайриз ва тешкилатриз авай суалрин патахъай редакциядиз чарар кхьин. Чи редакцияди куь суалриз жавабар гуда.

Скорая помощь ЦРБ Докузпаринского района
тел. 8 928 059 84 90, 8 989 868 03 00

«ГОЛОС ЭРЕНЛАРА»

2001-йисан
ноябрдилай акъатзава

Тешкилайди:
Докузпара райондин
администрация,
Дагъустан Республика

Учредитель:
Администрация Докузпаринского
района, Республика Дагестан

Къилин редактор:
А. Э. ЭМИРСУЛТАНОВ

Жавабдар секретарь:
В. С. АГЪАМУРАДОВ

Хусуи корреспондент:
Ш. О. ШАГЪБАЛАЕВ

Корректор:
Ш. О. ШАГЪБАЛАЕВ

Верстка авурди:
Н. Н. БЕЙТУЕВ

Газетдин индексар:
Зур йисан къимет - 216 м.
Йисан къимет - 432 м.

Чандиз вахкай вахт: 14:00
Чапзавай вахт: 17:00

Тираж 355

Редакциядинни макъалайрин авторрин фикирар сад тахъун мумкин я. Макъалайрин делилрин дуьзвили патахъай жаваб авторри чни гуда. Макъалайриз рецензия гуьвач ва абур элкьвена вахкуьвач. Мадни, чпин макъалайра дегинвилер тунал, къилер дегиниарунал рази тушир мухбиривай чна абур редакциядиз ракъур тавун тIалабзава.

Газета зарегистрирована
Управлением Федеральной
службы по надзору в сфере связи,
информационных технологий и
массовых коммуникаций по
Республике Дагестан

Регистрационный
номер ПИ №ТУ5 - 00256
от 14 июня 2013 г.

Редакциядин,
издательстводин ва
типографиядин адрес:

368750, Докузпара
район, Усугъчай хуьр,
тел.+7 (8722) 55-14-61
e-mail:
golos-erenlara@mail.ru
Чи сайт: www.erenlar.ru